





# Акафист преподобному Никифору Прокаженному

## Кондак 1

Избрáннаго воина Владыки Небéснаго, адаманта терпения, небосвётлую стáмну Свята́го Духа, сше́дшеся, вёрнии, да восхвалим. Ты, же премíрный отче, яко о́бщник страда́ний нашего Искупителя, дерзновéнно молися о нас, прокаже́нных страстьмú, да зовем ти: Радуйся, многотерпелíвне отче Никíфоре, недужным скорый помóщниче.

## Икос 1

Ангельскую души чистоту и к вышним стремлéние издétска явил еси, преподобне, тёмже мира Зиждитель лишéньми тя в часть Себе отдели и в чадо возлюбленное восприя. Ты же, детище благоутóдливое быв, от земных родителей сирóтное, обáче Бога отцем неразлучно имéвшее, ныне от нас приимú славословия сицевáя:

Радуйся, úмже утéшатся скорбная сердца,  
радуйся, úмже стра́ждущии прославят Творца;  
Радуйся, кротостию от юности преудобрéнный,  
радуйся, послушанием преукрашéнный;

Радуйся, к житию крестному от юности  
предызбранный,  
радуйся, к подвигу доблемудренному  
призванный;  
Радуйся, тихостное и незлобивое отроча,  
радуйся, на пажитех смиренномудрия упасенное  
овча;  
Радуйся, яко в скорбех и болезнех руце о нас  
воздеваеши,  
радуйся, яко крестоношению верныя научаеши;  
Радуйся, крютяном теплое заступление,  
радуйся, малодушным нам в бедях укрепление.  
Радуйся, многотерпеливне отче Никифоре,  
недужным скорый помощниче.

## **Кондак 2**

Видя тя Бог человека истинна, непорочна,  
праведна, велие испытание тебе посылает, аки  
злато в горнїле тя искушая, яко да Иовле  
крепкодушие во образ всем верным явиши,  
їмже и стал еси протїву уныния волн,  
находящих на тя, егда язя проказы на теле  
твоем узрѣся. Тем, сию потаїти хотя, на  
чужедальний корабль восходиши и града  
Александрии достизаеши. Мы же, упование твое  
на Единого Благоутробного зряще, вопием Тому:  
Аллилуия.

## Икос 2

Ра́зумом любомудрым службы Божия во граде  
вели́цем воспевáеши, отонúдуже и во Святу́ю  
Землю́ во исполнение желания твоего тéплаго  
преплывáеши, та́мо пред Крестом Христовым и  
Гробом Его живоносным молитвы сердéчныя  
вознося и глубину печали своея обнажа́я. Тёмже,  
в Александрію обрат́вся, единому от архиереев  
тúгу свою исповéдаеши и на Хи́ос ко святому  
Анфíму áбие отсыла́ешися. Мы же, премудрому  
Промыслу о тебе дивящеся, воспевáем:  
Радуйся, в скорби велицей надеждою на Отца  
Небеснаго себе огражда́я,  
радуйся, в печали денноно́щно молитву  
сердéчную пролива́я;  
Радуйся, сладкопéснивый Церкви Христовы  
сла́вие,  
радуйся, рук воздеянием низпосыла́я  
разсла́бленным здра́вие;  
Радуйся, лéпотою песнопéний священных  
измла́да пленённый,  
радуйся, ангелогла́сным многими наречённый;  
Радуйся, недугом прия́вый Божие всыновлéние,  
радуйся, в немощи яв́ивый Евангельских  
добродетелей прозябéния;  
Радуйся, яко бысть Весéлие сёрдца тебе Иисус  
Сладча́йший,  
радуйся, пёрвее быв отрéбие миру, ныне же ему

— дар высочайший;

Радуйся, егѡже побѣдами Хиѡс величаётся,  
радуйся, егѡже жительством козни вражия  
обличаются.

Радуйся, многотерпелѣвне отче Никѣфоре,  
недѣжным скорый помощниче.

### **Кондак 3**

Силою Вышняго укрепляемь, во отѡце Хиѡсстем  
на многая лета водворяешися, и zde, яко Ангела  
Божия, тя преподобный Анфѣм сретает, в  
нарѡчитую прокажѣнных врачѣбницу тя  
поселяя, раны твоя телѣсныя обязуя и духѡвное  
попечение взѣмля о крестонѡсней душѣ твоей.  
Ты же, таковыя милости от волею Распятаго и  
Его угѡдника приѣмля, благодарственная  
восписуеши: Аллилуия.

### **Икос 3**

Имея велие к храму Божию усѣрдие, в цѣрквице  
святѡго Лазаря, друга Господня, у лечѣбницы на  
всяк день в молѣниях и пѣниях привитаети,  
пред иконою дивною Богородицы от сѣрдца,  
скорбию теснѣмаго, вопия. Ея же чудесы не  
токмо на хартии, но и в души напечатлѣв и  
благоутрѡбия бѣздны от Всемѡлостивыя  
восприят, не престай и ныне руце к Ней  
простираати о спасении нас, возносящих ти

сицевая:

Радуйся, Церквию Божиею воспитанный,  
радуйся, манною словес Евангельских  
препитанный;

Радуйся, яко целиши печали лютое неможение,  
радуйся, яко ходатайствы врачуеши уныния  
смертное боление;

Радуйся, яко душевныя наши струпы молитвою  
за ны умягчаеши,

радуйся, яко разслабленныя телом и нерадивыя  
бодростию своею духовною возставляеши;

Радуйся, удаляйся от всякия лукавыя вещи,  
радуйся, изведенный от мысленнаго Египта  
железныя пещи;

Радуйся, Богородице светлое гласование,  
радуйся, ум оградивый Священным Писанием;

Радуйся, образе и правило Божиих песнопевцев,  
радуйся, сопричастниче страстотерпцев.

Радуйся, многотерпеливне отче Никифоре,  
недужным скорый помощниче.

#### **Кондак 4**

Бурю смятений и попечений мирских на  
пристанище тихое пременил еси, и, гнушаемь от  
человек, маргарит драгоценный Всетворцу  
показася. Тем, ничесомже стяжав, сокровищем  
мудрых советов от богопросвещеннаго старца и  
писаний святоотеческих обогащаеши,

непрестáнно хваля тáко к пользе душéвней  
Устрóбившаго: Аллилуия.

#### **Икос 4**

Слыша Христос Многомúлостивый молúтвы твоя  
и зря сердца твоего сокрушéние, руку к тебе  
простирает: приидú ко Мне, чадо труждаúщееся  
и обременéнное, и Аз упокою тя. Ты же, от отца  
духóвнаго пострижéние восприúм, возьм иго  
Господне благое на рáмо, крóтости и смирéнию  
по вся дни от Него научáшеся и  
благодáрственная возношáше. Мы же, таковым  
щедротам Спаса дивящеся, похвальная ти  
воспева́ем:

Радуйся, в новаго человека богосотворéннаго  
облечéнный,

радуйся, во одежду веселия оболчéнный;

Радуйся, целомудрия дивное благоухáние,

радуйся, помощи Божия приявый обетовáние;

Радуйся, горьковóдная мiра Крестом Христовым  
услáдúвый,

радуйся, себе укорéние в краеугóльный камень  
терпения положúвый;

Радуйся, жития сúетнаго печалей Промыслом  
отсечéнный,

радуйся, не ктому́ себе жúти, но Умершему за  
ны и Воскрéсшему посвящéнный;

Радуйся, в рúце Создáтеля всецело себе

преда́вый,  
раду́йся, воли своея отвержения возжелáвый;  
Раду́йся, яко тобою мона́шеский лик  
украша́ется,  
раду́йся, яко тобою сýщии в лю́тых нéмощих  
укрепляются.  
Раду́йся, многотерпелíвне отче Никифоре,  
недúжным скорый помóщниче.

### **Кондак 5**

Боготéчно твое житие и предúвно явúся, к  
разсуждéнию бо послушанием устремúлся еси,  
преподóбне, в лечебней калúбице, яко в  
пустыни, со страстьмú, яко зверьми  
дóблественне борясь, побеждая и побежда́ясь,  
падая и возставая, молитвы ника́коже отступая  
и простирая длани своя Простёршему длани  
Божéственней на Пречúстем и Живонóснем  
Кресте, яко да в будущем Царстве Его пéти  
возмóжеши немóлчное: Аллилу́ия.

### **Икос 5**

Видим тя, преподóбне отче, вертогра́даря, цвёты  
прекрасныя и дрéва благовúдная израща́ющая,  
Вышнему же Вертогра́дарю добродетелей сад  
преиспещрénный, посреде́ терний скорбей и  
напастей процветший. Темже, угодниче Божий  
и дивный отче, припада́юще к стопам твоим,

просим: Троице Пресвятѣй благосѣрдствуй о нас,  
яко да согрешения своя ўзрим и, покаянием  
умудрѣннии, не престанем, благодаряще,  
возсылати тебе таковая:

Радуйся, яко от корене повинѣния смирение  
проращяеши,

радуйся, яко на ветви духовней якоже новый  
крин прозябяеши;

Радуйся, бдения и трезвѣния дивное  
благоухание,

радуйся, терпеливодушию веру вменувый во  
основание;

Радуйся, розгѡ, отреблѣнная Вышним, тѣмже и  
многоплѡдная,

радуйся, грехмѣ иссушенным рекѡ многоводная;

Радуйся, умом зловреднаго целомудренно  
отбегаяй,

радуйся, Священным Писанием прѣсно  
внимаяй;

Радуйся, якоже кипарѣс, посреде хлада мук  
благодушием зеленяеши,

радуйся, якоже медунѣца мироуханная, пред  
Зиждѣтелем благоговяеши;

Радуйся, от егоже устен Господня хвала  
возсылается,

радуйся, ѣмже строптѣвѣи и ропотлѣвѣи  
славослѡвѣю научаются.

Радуйся, многотерпелѣвне отче Никѣфоре,

недужных скорый помощниче.

### **Кондак 6**

Проповѣдникъ святоотеческихъ монашескихъ дѣланий является ти богогласный Анфим, ко трезвѣнию, страху Божию, памяти смѣртней и молчанию тя управляя, и тако заповѣдми Евѡнгельскими устраояетъ душѣвныя струны твоя, яко да мусикѣйская Духу Святому цевнѣца содѣлаешися, и о тебе воспеваетъ Троице Пресвятей: Аллилуия.

### **Икос 6**

Возсия в тебе разум истинный, ѡмже всячески к послушанию устремился еси, богоносе, откровение бо стяжал еси, отче, ѡскреннее, помыслы истязуя, кормчему своему кормило вручив и тем основание духовнаго восхождениа полагаа; в такомѣм предѣвнемъ смирении помяну Тя Господь и украси добродѣтельми душу твою. Темже от нас приими такая:

Радуйся, высокоумдріе мира в буйство вменѣвый,

радуйся, Исусову память в сердце своем водрузѣвый;

Радуйся, Христу подражателю, нас ради общицавшему,

радуйся, общниче прежде бывшим Отцемъ,

дóльный покой попрáвшим;  
Радуйся, Божиих ради хотéний своя потребúвый хотéния,  
радуйся, в простотé повинúясь, дóбре прéйде течéние;  
Радуйся, паче кéдра ливáнского в úстиннем дéлании укоренúвыйся,  
радуйся, Послушúвому даже до смерти крéстныя во след устремúвыйся;  
Радуйся, яко псалтúрь яснозвúчная, стезю к покаянию воспева́яй,  
радуйся, яко труба богогласная, нерадúвыя к деланию пробужда́яй;  
Радуйся, иноком новоначáльным звездó путево́дная,  
радуйся, путем истомлénным древо высóкое и сладкоплóдное.  
Радуйся, многотерпелúвне отче Никúфоре, недúжным скорый помóщниче.

### **Кондак 7**

Хотящу ти заповедь Евангельскую испóлнити, во озлоблénии болéзненном всячески незлóбием и благодúшеством сияше, многострадáльне отче Никúфоре, кадило Христу благово́нное и приношение святóе. Тёмже блáгости и братолюбия достúгл еси высоты, Духом Святым исполняяся, иным прокажénным, úнокиням

обители Пренепорóчныя Помóщницы и нам,  
немощным, образ быв, кáко подобает любóвию к  
Богу и ближнему преспевáти, с нúмиже вкúпе  
восписúем о тебе Вышнему: Аллилуия.

### **Икос 7**

Новый явúся Иов, дóблестию в страдáниях и  
пóдвигом великодúшия вся болящия укрепляяй  
и наставляяй, Богом возлюбленный трúднице,  
мужемúдренный ратобóрче, тихости и  
покóрности воле Божии óбразе. Тёмже, сам быв  
оструплén, наша раны благосéрдными  
заступлénии обязúеши, по достоянию  
воздающих ти таковая:

Радуйся, душевнаго мира гúсле согласная,  
радуйся, молитвы сердéчныя песне прекрасная;  
Радуйся, душú своя ризу слезáми  
радостотворными очищáяй,  
радуйся, плачем Вседержителя к милости  
приклоняяй;

Радуйся, всеусéрдно устремúвыйся к  
богоугождéнию,  
радуйся, пред очами Владыки обретьй  
благоволéние;

Радуйся, уязвленным самолюбием целéбнейший  
плáстырю,  
радуйся, блуждáющим в пóхотех плоти добрый  
путевождю и пáстырю;

Радуйся, яко Христос твоя присно содѣлася  
Радость,  
радуйся, яко имя Его бысть тебе вышняя  
сладость;  
Радуйся, ѱмже саможалѣние и малодушие  
исправляются,  
радуйся, ѱмже премудрость Промысла Божия  
познавается.  
Радуйся, многотерпелѣвне отче Никѣфоре,  
недужных скорый помощниче.

### **Кондак 8**

Странен, премирне, ты показася миру,  
нечистотѣ его не прикасаяся, тѣмже и церковь  
содѣлася Богу Живу, Дух бо Святыи прииде и  
вселѣся в тя, дѣбляя мужества главѣзно, и  
очисти тя от всякия скверны. Ты же, молитвою  
священнодѣйствуя и присно грѣшника себе мня,  
во удивлѣнии зовяше: Аллилуия.

### **Икос 8**

Весь бе уранен, и в ребро прободен, и ослеплен,  
благодарною же душею паче солнца сияя; злыи  
же недуг, яко мучитель, нещадно тя истязаше.  
Обаче удом твоим отсекаемым, ты немолчно  
пояше: да будет, Господи, жертва моя душевная  
благоприятна пред Тобою. Не остави, отче,  
предстательством нас, таковой твоей доблести

ужасающихся, оструплённых грехми, похотьмѣ  
ослепленных, любовью Ти вопиющих:  
Радуйся, Вышнему всесожжение словесное,  
радуйся, сущим долу дарование Небесное;  
Радуйся, пакостника плоти смирением  
попаливѣй;  
радуйся, телесному крестоношению мысленное  
распятие совокупивѣй;  
Радуйся, славословия Всещедраго кимвале  
богокрасный,  
радуйся, трезвения органе златогласный;  
Радуйся, яко крепкостоянием твоим в скорбех  
научаемся,  
радуйся, яко худостию риз твоих вразумляемся;  
Радуйся, яко терпение нищаго Лазаря показал  
еси,  
радуйся, яко Моисееву кротость явил еси,  
Радуйся, унынием истязуемым духовная отрадо,  
радуйся, гневом жегомым Небесная прохладо.  
Радуйся, многотерпеливне отче Никифоре,  
недужным скорый помощниче.

### **Кондак 9**

Всякое благодарѣние поощряет Дающаго ѣже  
умножити дарованія; твоя же душа в  
славословии отнюд не преставаше, сего ради  
свыше великия дары приял еси, Духа Святаго  
сосуде избранный. Испроси нам в терпении

обстояний понé мало ти подражáти, и в болéзнях благодарственная присно от сердца сокрушеннаго Богови возносити: Аллилуия.

## **Икос 9**

Ветия лжемудрствующия умолкают,  
недоумéюще крестнаго жития силы: елицы бо  
Крест приемлют желанием, душевное исцеление  
взёмлют. Ты же, премёрный отче, от  
претерпéния скорби плотскія к видению и славе  
Креста возшел еси и велию благодать притяжál  
еси болезни целúти к тебе приходящих любóвию  
и воспевающих таковая:

Радуйся, благословляй Господа на всякое  
время,  
радуйся, безропотно пронесый тягчайшее бремя;  
Радуйся, возненавúдевый славу мимотекущую,  
радуйся, отвергúй суету многословúщую;  
Радуйся, паче богатства тленнаго Христова  
поношение вменúвый,  
радуйся, тесный путь благословúвый;  
Радуйся, купéле Силоáмская разслабленным  
грехми,  
радуйся, цельбó ослепленным похотьмú;  
Радуйся, ломóтныя и опúхольныя болезни  
отгоняй,  
радуйся, моры губúтельныя уставляй;  
Радуйся, яко в прокаженней плоти Ангельскою

чистотою сияше,  
радуйся, яко во озлоблѣннихъ благодѣяше.  
Радуйся, многотерпелѣвне отче Никифоре,  
недужнымъ скорый помощниче.

### **Кондак 10**

Спасти хотя люди Афѣнскія, душевными и  
телесными болѣзнями страждущія,  
Промыслитель Премудрый ты, кротчайший  
Никифоре, яко ангела утешителя к нимъ  
посылаетъ, наставникъ же твой словеса таковыми  
священнику при лечѣбнице Евмению ты  
предваряетъ: сей маргаритъ прекраснейшій,  
сокровище Божіе и совершенна монаха  
радостію вси примите, воздающе Богу по  
достоянію: Аллилуія.

### **Икос 10**

Стена содѣлался еси прокаженнымъ и  
страждущимъ во граде Афѣнстемъ, тихостію и  
благоволеніемъ Апостолу подражая, во всяцемъ  
вниманіи жительствуя, к согласію, миру,  
святыне и благоговѣнію вся наставляя. Тѣмже и  
образъ намъ показался еси, еже како подобаетъ  
сердечнымъ служеніемъ во псалмѣхъ, и пениихъ, и  
песнехъ духовныхъ преспѣвати, сего ради яко  
едиными усты возносимъ ти сичевая:

Радуйся, благодарения радостию блиста́яй,  
радуйся, сострадания светлостью вся увеселя́яй;  
Радуйся, Давидовою простотою отгна́вый  
вра́жия злоко́варствия,  
радуйся, нищетою духа блаженство стяжа́вый  
Вечнаго Царствия;  
Радуйся, суесловие попала́вый молчанием,  
радуйся, малодушие потреби́вый Вышняго  
величанием;  
Радуйся, яко Евангелие достояние ума своего  
сотвори́ся,  
радуйся, яко любви неотпа́дающая в тебе  
воцари́ся;  
радуйся, яко к молению непрестанному верныя  
наставляеши,  
радуйся, яко к духовному разуму страждущия  
управляеши;  
Радуйся, в печи безмерных болезней пала́мыя  
ороси́вый,  
радуйся, мно́зи во глубине немощи сущия  
исцели́вый.  
Радуйся, многотерпели́вне отче Никифоре,  
недужным скорый помо́щниче.

### **Кондак 11**

Пение всеумилённое подобает ти, моли́твенниче  
неусыпный: служителю бо Евмению в келлию к  
тебе тайно вше́дшу, узре́ тя на возду́се

молящаяся, и, расслабление членов твоих, зрения и ног лишение ведая, ужасся той, возопив: Аллилуия.

## **Икос 11**

Светосияет нам образ твой, именем и дѣлы победоносче, к познанию немощи своея нас, малодушных и ропотливых, управляя и вразумляя. Темже недоумѣюще, како смертней плоти твоей истлевающей, по вся дни обновляшесе, яко духодвижная арфа, выну богославная бряцаая, дивимся и приносим ти таковаая:

Радуйся, любвию Христовою прободенный,  
радуйся, живоносным Крестом Его  
оживотворенный;

Радуйся, якоже Даниил во рву на Единого  
уповаая,  
радуйся, якоже отроцы в печи Благоутробнаго  
восхваляая;

Радуйся, Церкви златокованный светильниче,  
радуйся, рачения еже к Богу таинниче;

Радуйся, яко огнем боления вечнаго пламене  
избегл еси,

радуйся, яко силою Духа немощь плоти препрел  
еси;

Радуйся, сладкопевче, Ангелом собесѣдниче,  
радуйся, гусле молитвы, благодатныя жизни

снаслѣдниче.

Радуйся, многотерпелѣвне отче Никифоре,  
недужным скорый помощниче.

### **Кондак 12**

Благодати чудотворений ковчег явился еси,  
богатодарный отче, и по блаженней кончине нас  
благоутробием и помощью не оставляеши. Всем  
же в скорби к мощем твоим и образу  
притекающим, подаеши ослабу душевную и  
телесную, с ними Всемиловитому возсылая  
теплое: Аллилуия.

### **Икос 12**

Пение всеумиленное не престаем приносѣти  
тебе, благоувѣтливый отче, ты же сие прими от  
недостойных устен и к Богу рѣце твоя воздевати  
о нас не претай, вопиющих ти таковая:  
Радуйся, печальми болезненными обретьи  
безпечальное упокоение,  
радуйся, до конца претерпев, райская улучивый  
Селения;  
Радуйся, грѣздие, в точиле скорбей вино  
источившее,  
радуйся, миро, благоуханием добродетелей вся  
ны увеселившее;  
Радуйся, токи чудес изливаяй,  
радуйся, милостию к болящим не оскудеваяй;

Радуйся, мучений пучину окормлѣнием Слова  
препльвый,  
радуйся, вѣи лукаваго крепкодѹшием  
погубѣвый;

Радуйся, трясавицею и огнѣвицею страждущия  
уврачевавый,  
радуйся, многия беды от почитающих тя  
отгнавый;

Радуйся, мѣлостиве, блаженства Небѣснаго ныне  
наслаждааяся,  
радуйся, нищій духом, благодати богато  
присно причащаяся.

Радуйся, многотерпеливне отче Никифоре,  
недужным скорый помощниче.

### **Кондак 13**

О богомудре Никифоре Прокаженный! Ты  
болѣзньми ссекаем, недѹгами стружемь, житие  
на одре болезни лютыя препровождая, волю  
Божю о Христе всяко испѣлнил еси, еже есть  
всегда радоватися, непрестанно молѣтися, о  
всем благодарѣти. Ныне же, светоявленне, нашу  
печаль утоли и ухо твое к прошѣнием нашим  
мѣлостивно приклони, и к радованию, молитве  
и благодарѣнию управи о тебе вопиющия:  
Аллилуия.

## Молитва

О, благодарный страдальче, молитвы таинниче, милостивый чудотворче, преподобне отче Никифоре!

Кто убо терпению, смирению, трезвению, благоуветливости, доблести и кротостной премудрости твоим не подивится?

Веруем, яко по преселении твоём ко Господу велию мзду улучил еси и многою благодатию облёкся еси, многоболёзненные бо, страждущия, ничашия нizu, расслабленные, нишия и убогия заступлением и попечением своим не оставляеши и многая и дивная чудеса на них изливашеши.

Тёмже, сам искушен быв, помози и нам, страстьми, и похотьми, и своеволием искушаемым. Вемы, яко вся находящая на ны грех ради наших восприяхом. Обаче дерзновенным заступлением твоим пред Человеколюбцем воздвигни ны, в пучине немощей обдержимыя, возстави на одре озлобления сущия, облегчи недуги, здравия испроси, болезни укроти, утешение божественное даруй.

Припадѹ в Небесных Чертогах к подножию ногу нашего Искупителя, не престай воздевати рuce твои о нас, недостойных и окаянных, по вся дни падающих и возстающих, обаче надежды на Его

милосердие не оставляющих, яко да твоими ходатайствы укрепляеми и исцеления душ восприёмше, грехов прощение улучим и Царство Его вечное наследим и с тобою купно да воспоём благодарственная в Троице славимому Богу нашему, Отцу, и Сыну, и Святому Духу, ныне, и присно, и во веки веков. Аминь.



ПОЛНЬІЙ  
**АКАФИСТНИК**  
КАНОНИЧЕСКІЙ

АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ

І

НОВОЕ  
\* НЕБО